



幔亭集卷之八

去冬
振筆
請
子
書

陳吉
車
藏
書

閩中徐燮惟和著

友人陳薦夫幼孺選

王若相如編

七言律詩

冶城懷古

千里山河霽色開
清秋臨眺海徘徊
虹橋隱隱龍江繞
鴈塔雙雙雉堞迴
落日寒潮螺女渡
冷烟衰草越王臺
當年霸業俱塵土
愁聽荒原鳥

雀哀

冶城日落亂啼鴉○城上烏烏起暮笳○四野桑麻○
八閩郡千林烟火○萬人家無語○古殿傷青草南○
宋行都想翠華○人事已非湖水在○年年風雨長○
兼葭

垂虹橋別顧學憲先生

垂虹橋畔水悠悠○無數青山起暮愁○桐葉戰風○
驚遠夢蘆花含月隱孤舟○吳江露下丹楓冷○震○
澤雲寒白鴈秋○此去風帆何處泊○相思明日隔

滄洲

夜聞吳女誦經

佳人何意悟禪那○夜誦金經數百過○窈窕相中○
疑大士妖浮聲裏半彌陀○還於女伴歌吟懶○自○
與尼師結拜多○謾道西隣歸彼岸○此生無計度○
恒河

擬咸陽懷古

咸陽禾黍正離離○人代興亡豈有期○廢殿秋風○
秦劍戟荒山夜雨漢旌旗○茂陵空灑千行淚○渭

水長流萬古悲何處登臨最惆悵樂遊原上日
斜時

愛妾換馬

如燕如龍戶外嘶行雲行雨意悽悽青蛾來別
黃金屋赤兔新翻碧玉蹄雖有飛騰空冀比更
無歌舞出樓西他時紫陌相逢處望見銀鞍不
住啼

雙眉顰蹙四蹄翻皂櫪無聲被不溫憔悴難忘
當日寵悲鳴猶戀主人恩強隨夜月登妝閣愁

逐秋風出塞垣金埒玉樓遙騁望幾多汗血幾
啼痕

夏日靈山堂避暑

灌木陰中共倚欄飛來蒼翠落簷端蒲林花雨
諸天近六月松風一座寒鳥入亂雲翻影滅蟬
當斜日送聲殘相逢正有淹留興其奈踈鐘報
夜闌

越王臺懷古

山河如故霸圖休臺下空江水自流歲久莓苔

生廟壁日斜葭茨滿汀洲旌旗影滅秋風冷劍
戟聲沉暮雨愁莫道釣龍人已遠精靈還向夜
深遊

寄長溪史使君德明

少年作郡到長溪五馬時從柳外嘶官舍鳥啼
春寂寂公庭吏散草萋萋山城夜月聞弦誦瘴
海秋風絕鼓鼙日向習家池上醉兒童爭唱白
銅鞮

送林熙工陳女翔陳伯孺潮上人遊武夷

津亭落木已紛紛無那離情對夕曛極浦風烟
隨鳥盡寒潭秋色與僧分蘭舟獨載千峰月竹
杖同扶九曲雲此日江籬正堪采爲余遙薦武
夷君

秋日陳女大載酒林氏水亭

滿天秋色鴈邊遙載酒芳園暑氣消柳外鳴蟬
寒度雨竹間小浦暗通潮半林綠樹迷危堞一
帶蒼山隔斷橋此地相逢不沉醉更於何處避
塵囂

送老卒還鄉

少小從軍出玉門，蕭蕭白髮返丘園。塞垣此別
休回首，舊路重經更斷魂。殘燧只餘孤劍在，故
鄉知有幾家存。古來征戍生還少，何必封侯是
主恩。

經古戰場

蕭條殘壘不勝悲，此地曾經幾亂離。恨血尚餘
春草裏，游魂多出夕陽時。瀟瀟寒雨聞刁斗，漠
漠陰雲見羽旗。滿路干戈愁轉戰，胡笳休向馬

頭吹

贈顏廷愉將軍

姓名曾冠少年場，逆旅相逢意慨慷。能以玉都
雄統苑，還將一劍倚扶桑。燕臺擊有荆軻筑，粵
國游無陸賈裝。爲愛瑯琊門下士，如君詞賦獨
升堂。

詩名久已動長安，此日仍登上將壇。投筆恥爲
秦博士，橫戈今作漢材官。常拚一命酬知己，不
愛千金贈所驩。莫道書生無遠畧，東封函谷有

泥丸

秋日居法雲寺喜瀚上人見訪

門掩蒼苔一徑幽
白雲應爲遠公留
踈鐘隱隱諸天暮
殘葉蕭蕭滿地秋
竹院又逢今日話
芝山猶憶舊時遊
此中傳偈多禪侶
何必浮杯到沃州

秋夜同顏廷愉黎廷彬二將軍王元直秀才觀微上人興公舍弟集鄧道鳴闈帥行署賦得紫薇夜漏同用化字

虛堂良會寂無譁
忽聽譙樓鼓亂拋
響入招提隨斷磬
聲傳睥睨雜悲笳
共占此地星文聚
莫問中宵斗柄斜
滴盡銅壺天似水
月光初轉紫薇花

顏廷愉旅館夜集聞歌

越王城裏起西風
旅館相看興不窮
詞客交情聯縞帶
美人幽恨寄絲桐
當筵夜靜燈花綠
隔寺秋深落葉紅
此去豈愁逢醉尉
踏歌齊向月中明

陳廉訪先生七十初度

投簪久矣老滄洲。共說神仙是隱侯。衣剪烟霞
輕。牙繡家營雲水比菟裘。數莖瑤草千年綠。九
月黃花一徑秋。不用尋仙訪真訣。姓名元已注
丹丘。

送陳道育遊吳

西風蕭瑟不勝愁。無奈同心賦遠遊。一帶青
吳苑暮蒲林黃葉太湖秋。離魂渺渺隨鴻斷。鄉
戾潺潺逐水流。况是天涯摧落後。豈堪爲客獨

登樓

得李伯實太學書知其移家金陵却寄

天涯久別正銷魂。忽爾開緘見淚痕。東粵梅花
畱去客。南朝芳草待王孫。春風八口依京國。夜
月千山夢故園。往事傷心君莫問。臺城烟柳易
黃昏。

同王元直讀書法雲寺賦贈

精廬高傍玉蟬峰。采葛歌成意更濃。把臂共揮
花下塵。連床同聽佛前鐘。覆棋憐爾如王粲。倒

屣何人是蔡邕白首交期誰得似寺門遙指歲
寒松

送林叔度遊支提寺

何時蹤跡別壺公歲晚看山過霍童客路杖藜
殘雪裏人家雞犬亂雲中鐘聞下界諸天近寺
隱深林一徑通遙想空門多勝事半龕明月幾
僧同

贈別康孟擔

一丘栖隱近何僊不異龐公在漢年名混布衣
堪傲世齋供繡佛可遊禪尊前有客同浮白身
後誰人識太玄此別相思勞夢寐壺山雲樹鯉
湖烟

送陳元凱明經北上兼覲省

津亭落葉點衣斑斗酒臨岐動別顏江上流漸
前嶺雪馬頭晴樹隔淮山征途歲晚鴻聲斷上
苑春深草色閒此去趨庭驪不淺可無飛夢到
鄉關

江干分手動悲歌迢遞關山歲杪過獨夜懷人

魂夢遠中年知已別離多車驅微月寒吞隴馬
踏殘水晚渡河若遇長安舊相識爲言生計久
蹉跎

送葉進卿太史還朝

星軺萬里上長安歲晚關河雪欲殘劍珮晨趨
金闕霽絲綸夜草玉堂寒千條御柳鳴鞭過五
色宮雲拄笏看幸有同心在霄漢清時無用賦
倚蘭

陳汝大六十初度

年少曾窺寶笈文老來高卧謝塵氛吟邊野興
隨青草世外餘生付白雲大藥已傳龍虎秘閒
身應混鹿麋群桑弧正及黃花節一度花開一
壽君

送人之邊

萬里橫戈賦遠征天涯去住不勝情隔河獵火
胡兒馬古戍狼烟漢將營沙磧春深無草綠邊
城亂後少人行客中知有還鄉夢莫聽孤笳半
夜聲

漠漠黃塵匹馬孤馬頭今去向飛狐望鄉臺
人思漢勅勒城中將備胡蒲路寒霜朝倚劍一
天明月夜吹蘆單于莫近陰山獵南國書生正
棄繻

無題和李義山

香燼金猊燭散風月沉西嶺水流東雲迷洛浦
人何處柳暗草臺路不通遠岫似疑眉上翠守
宮猶染臂間紅淒涼往事休重省十載游蹤
轉蓬

為雨為雲無定蹤半衾幽恨數聲鐘弦於離緒
同時斷墨與啼痕一樣濃無復芳心含昔蕊空
將薄命委芙蓉西隣只在高樓畔似隔天台路
幾重

擬劉晨阮肇入天台效曹唐

歷盡千山與萬山白雲飛處見松關路從碧澗
通仙竇夢絕紅塵出世間花落洞中春寂寂日
斜溪上水潺潺哀呼四壁多猿鳥迷却來蹤不
可還

劉阮洞中遇仙子

路入天台境寂寥空中吹送白雲誰
桃花片片流丹壑瑤草青青映翠翹
五色烟霞迷鶴夢數聲瓊珮隔虹橋
人生莫道仙凡別携手春風是此宵

仙子送劉阮出洞

雞犬聲中羽袖分桃花折贈寄殷勤
愁來玉液誰同飲別後瑤笙恐獨聞
蹤跡但隨溪上水仙凡只隔洞前雲
從今萬劫仍千劫惆悵無緣再

遇君

仙子洞中憶劉郎

佳期誰信此生休夢斷巫山幾度秋
瑤草似憐人遠去桃花仍逐水東流
紅塵夜月空留枕紫府春風獨倚樓
只恐重來迷處所洞門深鎖碧苔幽

劉阮再至天台不復見仙子

重到仙源路轉深舊遊蹤跡已銷沉
千年山水自朝暮四壁烟霞成古今
不見胡麻流別澗獨

聞幽鳥噪空林早知一別無尋處應悔當時出
洞心

萼綠華將歸九疑留別許真人

縹緲雲駢駕彩霓半天遙聽玉麟嘶身歸紫府
難爲別目斷紅塵不住啼新啟離筵鋪鳳髓重
封真誥印龍泥黃金條脫空留贈九點青山望
已迷

王女杜蘭香下嫁張碩

黃金釵股紫金鈿忽駕鸞車降碧烟
百尺紅橋天上路萬條花燭世間緣雲璈曲妙調龍璫露
液杯濃啟鳳筵却咲裴郎仙分淺一雙玉杵種
多年

張碩重寄杜蘭香

渺渺靈蹤去不還空勞珍重碧雲鬟人間無路
通瑤闕夢裏何因見玉顏蘭露半銷香冉冉花
風初度珮珊珊欲將一札傳青鳥知住蓬萊第
幾山

織女寄牛郎

臨流幾度待金飈。天帝無情恨鵲橋。王字微茫
空隔水。銀河清淺不通潮。心隨鳳駕思靈匹。淚
逐龍梭上錦綃。難得歡娛容易別。年年腸斷可
憐宵。

甲午迎春

不家簫鼓響何頻。海國驚看物候新。自有東風
吹絲勝。不愁微雨灑紅塵。土牛未送山中臘。寶
馬先行歲裏春。三十三齡容易過。蹉跎又是隔
年人。

歲暮感懷

年來蹤跡嘆蹉跎。獨向衡門戀薜蘿。前路虛名
青鬢少。先人遺業白雲多。匆匆短晷愁中盡。冉
冉浮生夢裏過。時事淒涼應莫問。空山相對意
如何。

甲午元旦

平明曙色亂春烟。獨對東風意惘然。莫葉乍開
堯砌上。椒花先獻佛燈前。忽聞爆竹迎新歲。媿
飲屠蘇後少年。莫道清霜隨臘盡。只愁飛入鬢

毛邊

贈鄧道鳴都閩

千騎如雲瘴海間。一天明月照刀環。營門晝靜
笙歌沸。部曲秋高劍戟閒。樂奏金鑊新破虜。名
標銅柱舊平蠻。王關他日功成後。猶見將軍鬢
未斑。

送林貞發之漢陽兼寄陳仲敬明府

江干折柳正春初。閩楚相看萬里餘。滿路愁雲
過七澤。一天明月吊三閩。恍飛漢水鶯聲早。書
到衡陽鴈影疎。爲語神明河上宰。故人生計已
樵漁。

王相如文學千里來訪詩以贈別

少年名姓滿詞場。千里相尋問草堂。博物每披
周石鼓。摛文能賦魯靈光。九龍夜吼門前水。正
馬秋歸嶺外霜。收得秘書盈萬卷。王家事業本
青箱。

送歐陽霖仲歸鄉

梁獄書成淚未乾。天涯流落畏長途。難杵投已信

曾參誤袍贈誰憐范叔寒逆旅相逢愁咄咄
鄉歸去路漫漫布衣政好彈長鋏何必逢人變
鵬冠

送周公子還金谿

彭蠡西歸去棹長東風江上送周郎數聲忍顧
歌驪曲三月惟齋養鶴糧寄遠柳應攀驛路思
親花每夢河陽家山况與豐城近別後遙看劍
氣光

送徐半刺之官淮陽

東風吹送片帆輕江北江南萬里程隋柳似迎
行客過淮流難比使君清尚懷太姥看山夢新
就鹽官煮海名盤裏水晶堪餉客幾時重見故
人情

甲午端陽即事

浦市貧民盡譟呼誰家尊酒汎菖蒲漢廷久已
饑方朔楚澤何人吊左徒殘喘厭看長命縷空
囊安用辟兵符愁來試上孤城望幾處炊烟幾
處無

將發芋江別惟起惟揚二弟

霜落烏啼半上潮江頭那忍解蘭橈已悲去路
關山遠况復歸期歲月遙衰髮依人愁冉冉荒
年爲客橐蕭蕭他時兩地同相憶記得離筵是
此空

飲胡元瑞蘿月軒

停棹尋澗水陽半窓蘿月坐飛觴塔前鶴跡
留玉秋後蟬聲出樹涼客路蒹葭寒細雨他
鄉堪度微霜布帆東下江流急滿目西風別
恨長

寄別幼孺次來韻

故國青山又遠遯懷人空有夢魂飛猿當暮雨
聲偏慘鴈到秋風影尚稀一夜思鄉華髮變中
年爲客壯心微竹林此日無多侶莫向山中厭
布衣

寄贈屠長卿儀部

姓名曾註王皇家吸盡蓬天五色霞一點真陽
封土金六時神水轉河車黃冠長日居蓬島紫

氣中宵隔若耶莫道相逢期太晚于今佳話有
龍沙

一區長傍鑑湖邊坐對三花九品蓮家散黃金
惟塑佛詩成白雪半游仙栖禪淨室雲堪臥馭
氣遙空電可鞭他日從君無別語祇應同證大
因緣

題公朗寶函樓

危樓百尺梵王居禪誦聲高晚磬初一榻秋雲
松火冷半窓殘月竹風疎鷺峰花雨諸天外現
塵金身六代餘多少塵勞都遣盡獨留詩癖未
全除

寄懷瀚公

逆旅裁書問道安故園明月幾迴看身閒對客
題詩易歲儉逢人乞米難風動空山孤錫響霜
深禪榻衲衣寒知師不作天涯夢長夜忘眠坐
戒壇

松陵舟中

西風吹袂失炎蒸落日波光似鏡澄囊裏錢餘

緣戒酒途中舟緩爲尋僧孤村近浦船爲茂古
寺臨江塔有燈一帶人烟何處所榜歌遙指是
松陵

吳閶吊高季迪太史

吳門燈火正黃昏讀罷遺編濕淚痕五字幾人
傳故業一杯何處吊吟覓秋風茂苑留荒草暮
雨寒山泣斷猿欲向居人問封土衣冠未必葬
家園

旅次石頭岸

石頭城下水微茫回首鄉關驛路長瓜步烟波
連斷靄秦淮雲樹隔斜陽秋高落木迷村舍夜
靜寒潮到女牆客裏愁心已如此一聞南鴈更
淒涼

金陵懷古

白門京闕舊山川朱雀烏衣夕照邊百代荒陵
崩夜雨六朝遺殿鎖秋烟胭脂歲久銷宮井苔
蘚春深繡御筵往事淒涼無限淚傷心最是建
文年

客中感秋呈王德載盧子明柳陳甫諸公
他鄉爲客長離憂一夜新寒感敝裘對酒正當
桑落後思家偏向鴈來秋白門月冷礎初斷淮
水霜深葉自流不是天涯有知己萍蹤那得久
淹留

送張孺愿還四明爲兒娶婦

離情黯淡白門西何處雲山是會稽作客暫辭
桃葉渡思鄉多夢若耶溪寒蘆夜雨鴻初斷衰
柳殘陽馬倦嘶待汝尚平婚嫁畢五湖明月共
招携

送胡彭舉之衡陽

愁折衰楊過御堤吳門遙望楚雲低高峰見月
秋迴鴈野店逢霜曉聽雞九派江流溢浦外一
天帆影洞庭西知君作客年來慣不畏猿聲日
夜啼

葛震父招遊雨花臺同張康侯姚佩卿諸

子

高臺千尺俯烟霞却望當年舊帝家百雉都城

仍○踞○虎○六○朝○宮○樹○半○栖○鴉○雲○邊○淮○水○連○天○遠○林
際○鍾○山○帶○郭○斜○獨○有○空○門○不○銷○歇○至○今○猶○落○講
壇○花

送陸纂父山人還洞庭別業

他○鄉○相○見○又○離○群○滿○目○西○風○落○葉○聞○二○水○空○洲
孤○棹○遠○三○吳○秋○色○一○江○分○白○衣○出○郭○金○陵○雨○綠
酒○看○山○雲○澤○雲○從○此○游○蹤○各○南○北○月○明○無○處○不
思○君

同吳公翁晉姚叔父諸子集陳公衡衡齋

南○朝○仙○吏○擅○風○流○四○海○論○交○半○敝○裘○粉○署○鳥○啼
花○外○雨○白○門○鴉○散○柳○邊○秋○故○宮○雲○氣○銷○長○樂○近
郭○湖○光○起○莫○愁○馬○踏○夜○分○歸○路○晚○疎○鐘○遙○動○景
陽○樓

贈李茂承太學

雲○間○才○子○氣○翩○翩○偶○爾○相○逢○入○洛○年○半○夜○孤○帆
三○泖○月○一○秋○雙○屐○六○朝○烟○匣○中○紫○氣○頻○看○劍○筆
底○青○山○不○賣○錢○同○是○天○涯○流○落○客○何○妨○長○醉○酒
壚○邊

隔簾美人

環珮聲聞見不真。多情綽約往來身。只緣竹緯垂千縷。似對菱花隔一塵。繡帶暗飄紋外影。秋波潛送隙中春。重重錦浪生羅襪。彷彿雲間遇洛神。

同梅季豹林忞度碧峯寺訪如愚上人

行盡空林到沃洲。蒲林黃葉上方秋。松遮古殿半山翠。竹隱空房三徑幽。寶蓋影飄依佛座。臺花香散拂經樓。年來綺語方除障。不敢題詩贈惠休。

同閔壽卿王獻子二山人集王德載都護

溪閣同得蕭字

尊酒憑虛破寂寥。秣陵雲物晚蕭蕭。窓開遠岫常邀月。閣枕寒溪共聽潮。萬里風烟天外盡。滿林秋色鴈邊遙。主人久傍墻東隱。不向西山更射鵰。

馬姬館贈梅子馬

寶劍逢人脫贈輕。平生肝膽片言傾。千秋白社

工文客半世青樓薄倖名枕上楊花今日淚渡
頭桃葉舊時情囊中不管黃金盡猶買嬌歌夜
夜聲

壽雪浪禪師九月九日五十初度

祇林遙見白毫光髮祝多年尚未蒼菩薩應期
生下立聖人此日出西方堦前記臘松長在座
上拈花菊正香一自九龍仍吐水從今浴佛說
重陽

金陵故宮

先朝遺殿閉塵埃零落空勞過客哀五夜銅壺
乾罷滴六宮金鎖澁難開翠華去後全無影羅
綺焚餘尚有灰弓劍盡埋烟雨冷椒房一半上
蒼苔

重陽後顧世卿招游清涼寺翠微亭

虛亭高與翠微連尚有黃花照法筵下界梵音
中夜磬半空帆影隔江船馬行十里松陰月人
藉孤峰草色烟我本倦游多感慨老僧休說六
朝年

陳彥莊侍御招遊清涼寺

同向空門結白蓮。琳宮遙隱帝城邊。閉關僧是他方衲。題壁人多異代賢。江北江南千里月。山前山後萬家烟。座間自有霜威肅。避暑何須說往年。

送何伯達太學還鯉湖

歲晚扁舟發水濱。勞勞亭下歎離群。一行鴈影斜陽見。幾處砧聲半夜聞。作客厭看吳苑月。思親翻望秣陵雲。他時九派勞魂夢。跨鯉仙人正是君。

燕子磯

蕭蕭蕭蕭遠水平。沉江鐵鎖尚留名。半空鸕鷀飛來影。千載龜龜化去精。石占中流危截浪。雲侵殘壘暝吞城。山僧似惜游人別。猶送踈林磬一聲。

觀浦口珠泉

一泓如練淨無塵。幻出明珠顆顆新。疑是鮫宮真客難於金谷。換佳人夜光不說昆明水。照

河漢合浦濱生滅由來歸泡沫欲將靈跡問
洪紳

訪梅禹金秦淮客舍

鳥過長干問客星風流不用嘆飄零
一秋桃葉居淮水十月梅花夢敬亭
遊徧南朝多寶寺緡殘西竺幾函經
暗若欲折藏鴉柳滿日隋堤何處青

謝司理招遊道場山

碧樹香臺一徑紆滿林幽鳥避前驅
重重翠嶺有蒼弁渺渺層波見太湖
鐘送餘聲過下界雲霞殘影挂浮屠
畫船載月歸來晚十里烟光澹欲無

謁孫山人太初墓兼懷鄭吏部繼之

道場山下見荒阡欲吊吟魂一愴然
寂寂梨花寒食雨蕭蕭蒿草夕陽烟
空林夜靜聞猿嘯斷碣年深借鹿眠
若把梅亭比茗冰千秋黃土總堪憐

閨情

深閨長日望刀環錦被香銷繡幙間豈有夢魂
通暮峽更無眉黛畫春山情牽夜月孤蛩泣目
斷秋風一鴈還不是狂夫恩意淺由來薄命怨
朱顏

同強善長包蒙吉計仲嘉徐子晉斯學上

人集寶林寺鏡公房時蒙吉來自東甌

仲嘉歸自燕趙

吳市飄零感歲華偶携瓢笠到僧家孤雲靜結
人天果湖氣寒生佛座花作客畏聞燕地雪逢

請先開赤城霞山欲別各留偈送過虎溪前

白斜

為王百谷悼亡

不顧房帷十載恩竊將靈藥月中奔楚臺有枕
難通夢漢殿無香可返魂夜靜鴛鴦虛錦帳書
長鸚鵡喚瑤軒小星三五沉何處垂老青衫濕
淚痕

虎丘寺

千頃寒雲隱上方半天明月照迴廊王真化去

山精滅金虎銷殘寶氣荒塔影虛空藏舍利泉
聲日夜淬干將霸圖零落落浮圖在不拜吳王拜
法王

贈彭城蘇姬

蘇小門前繫紫騮隔簾相見尚含羞青蛾暫結
花間約綠蟻能忘客裏愁一片輕寒銷枕簟半
窻明月上篔簹從今若過彭城路不說張家燕
子樓

初春德州道中有懷故園

落日平原朔氣凝征途迢遞倦難勝風生沙捲
殘年雪春至河銷半渡古戍黃昏喧斷角遠
村寒夜見孤燈鶯花自愛家林好裘馬何心向
五陵

易水懷古

一笑秦庭事已空蕭蕭寒氣動悲風飛霜枉購
千金七貫日猶懸百丈虹公子歌殘衣變白田
光死去血流紅薊門零落咸陽火易水年年只
向東

同許靈長太學張去華山人陳幼孺曹能
始一孝廉集鄧汝高計部署中賦得長

安新柳送張成叔太學還四明

東風二月薊門過新柳青青拂御河
淺綠乍分眉上黛柔條難任笛中歌
幾時葉滿章臺路有日花飛太液波
同是一枝堤畔種無如此地別離多

下第後書懷

自是揚雲白未玄不才那敢怨寒
天四面看故國八千里誤戴儒冠
十七年貧倚詩書元失計窮知文字
信無權雄心銷盡囊如水流落依人
面可憐

一領青衫萬斛塵溝隍十口計全貧
關河偏阻空囊客童僕潛歸得意人
雲路豈能容野性帝鄉元不住閒身
長安浪說春光好未見杏園非是春

南還留別許靈長張叔弢馮成甫鄧泰素
文夢珠柯起之諸子

日落燕關馬去遲一尊相對總相悲豈堪客路
銷魂處正值皇都失意時此去惡分燈下影重
來愁益鬢邊絲與君俱是飄零者空說加餐贈
別離

謁孔林

洙泗滌迴兩派分泰山龍護素王墳傳經已化
三千士執贄難逢七十君室築空塲生蔓草樹
殘荒隴起寒雲一坏馬鬣勤瞻拜欲向春風薦
魯芹

燕子樓

舊日懽情委逝波空樓燈影恨如何一天夜片
閒簫管十載春風罷綺羅松栢鎖烟愁思苦杜
丹含雨淚痕多香銷粉歇歌塵散恐見雙雙燕
子過

書懷

歲月蹉跎黯自驚此身雖在髮毛更江湖故舊
無消息童稚交遊半死生喜信空門緣漸老厭
聞世事爲多情客中最是愁人處獨夜殘燈風

雨聲

聞人仲璞卜居西湖詩以寄之

卜築南屏第幾峰烟霞長日伴遊蹤
橋頭柳色湖心月郭外潮聲寺裏鐘
數載宦情同失馬千秋絕技羨雕龍
蘭橈竹杖頗來徃十里荷花九里松

女冠還俗

愁戴黃冠老此身芳心難禁黛眉顰
且拋王母當年約去了蕭郎宿世因
斗帳自今開甲乙星壇誰復守庚申
幾回却笑巫山女煙雨空爲夢裏人

戲嘲鄭四效長慶體

落落江湖無定跡匆匆相見闔廬城
離鄉已是五六載道舊曾無三兩聲
杯水覆堂難再返浮雲出岫便無情
故人浪說工詞賦只恐登樓賦未成

登延平玄妙觀

玄都俯瞰碧溪濱上帝高居接五雲
入院經聲

朝斗拜繞壇香氣降真焚龍精護法豐城劍鳥
篆書符玉洞文月滿松關天籟寂飄飄笙鶴半
空聞

登芝山善見塔

百轉清溪繞梵宮千尋卅磴勢盤空曇花亂散
諸天雨橋板斜飛一線虹塔影層層青嶂外鐘
聲隱隱白雲中憑闌不敢輕呼吸帝座溟濛近
可通

謁馬仙姬廟

元君仙籍出扶風廟食千年建水東蒲院松杉
巢鶴鶴四時香火卜罷熊青天紫氣生靈幃白
日紅雲護寢宮幾度憑虛朝上帝手拋霞帔幻
成虹

初至武夷

道緣爲重世緣輕愆屬閒遊豈計程九曲仙班
邀鶴馭半空天樂奏鸞笙經旬絕粒拋煙火到
處行歌變姓名多少函中遺說在不知若箇是
前生

萬年宮

萬年宮殿魏王居，瑤草琪花滿玉除。壇下餘腥猶漢代，岩頭遺蛻是秦初。客從雲水求丹訣，帝遣風雷護簡書。我亦曾孫今且世，夢中親御紫鸞車。

宿中祐觀

風燈零落夜鐘殘，數卷玄經掩不看。藥採刀圭還玉液，火留文武養金丹。瑤池月滿鸞笙杳，石榻雲深蝶夢寒。斷盡世緣湏及早，肯將白髮戴黃冠。

宿接筍峰道院

絕壁懸厓入杳冥，丹房長借白雲扃。地分六曲成三島，臺聳千層禮七星。暮靄晴飛岩瀑翠，秋烟寒隱石燈青。一聲獨鶴醒殘夢，卧聽黃庭半部經。

宿雲窩贈陳司馬

清溪九曲即逢壺，何用遙尋五嶽圖。幽壑半開新淨室，秘書還看舊陰符。鸚鵡鸞班裏多年別，

大雲中發日驅重住雲窩緣不偶前身或恐是
卅樞

天游觀

高臺獨上翠千重吹散嵐烟有鐵龍地種三花
元漢時門扃五粒是秦封雲邊螺髻層層結雨
後蛾眉點點濃倚徧危闌遙極目九環衣帶束
芙蓉

宿鼓子峰道院

芒鞋笠徧翠微巔脩竹陰中別有天
瀉隱黃冠
岩峯偶巖封白骨盡飛僊石當隙處精廬搆路
到窮時棧道懸夜靜焚香同禮拜步履聲散一
縷烟

游水簾洞時久不雨飛沫稍微賦得一首
素練冰綃一夜收潺湲何處見龍湫
鮫人海底餘殘淚
王女峰前上半鈎自有玄珠藏赤水不
溷瓊液咽重樓一瓢欲挽銀河瀉倒挂青天作
瀑流

尋和叔道士不遇

暫去朝元出翠微。紅塵何處染綃衣。鸞傳紫府
書頻至。鶴帶青城箭未歸。六甲風雷壇下守。半
空日月鼎中飛。石函留得龍沙讖。莫道蓬壺會
面稀。

武夷溪口送惟起弟度關

竹枝芒屨歷翠岑。荆紵忽動遠遊心。離意也與
千峰斷。別恨空如九曲深。祗有飄蓬懷白壁。全
無大藥化黃金。山中散盡賓雲曲。淚落西風半夜
砧。

青山遊侶散紛紛。况復臨歧遠送君。兩地鴈鴻
難顧影。一時鸞鶴總離群。人從杜若洲邊去。路
在桃花洞口分。明發登高各惆悵。鷺湖斜日幔
亭雲。

武夷送吳元翰還莆

日日看山住翠微。虹橋宴罷各將歸。幾時再買
重遊權。三載方還舊釣磯。囊橐只携冊訣去。憂
鬼猶帶白雲飛。別君不用綈袍贈。玉女新裁五
色衣。

再送元翰次來韻

一尊同向蓼花灘○露下卅楓落葉殘○身泛孤卅
愁弟遠○淚揮雙袖別君難○淒涼成角○秋霜曉明
滅○漁燈夜雨寒○此去入林尋舊隱○高齋新長幾
琅玕

陳惟秦爲其先人營塋又居永南山寄訊
春事飄零倍憶君○滿庭紅雨落紛紛○鰲峰已作
三秋別馬鬣○新成四尺墳○花下幾迴虛朗月○竹
中真日賦傳雲○北印正有松楸感○烏鳥聲聲不

可聞

訪薛煉師思齊

桃花千樹繞江干○花裏幽居日考槃○曲徑開時
供鹿卧○方書抄就借人看○一春草綠蓬門靜○半
夜雲生藥杵寒○聞說延年有真訣○相逢先乞九
還丹

壽李司理

曾將詞賦冠明廷○斷獄年來動引經○德比于公
高漢室○名同小陸起華亭○壽筵猶獻長生縷○海

國爭看執法星○何必西巖采三秀○郡齋瑤草自
青青

鶴吹飄飄下九天○共看良吏是神仙○朝來挂笏
心如○水夏○至懸○弧日○似年○函谷他時生紫氣○長
庚此夜應青蓮○遙知卧理還多暇○注得叅同有
幾篇

送王懋宣先生之泰順

垂楊影裏亂啼鶯○朝發都亭一騎輕○黯淡靡蕪
尋去路○微茫烟樹見孤城○他鄉春色悲花落○旅
館愁心寄月明○白髮蕭蕭猶作客○臨岐分手更
關情

宿鄧汝高竹林山庄

群峰迴合樹蒼蒼○一徑雲陰散夏涼○荒坂牛羊
歸暮靄○比鄰鷺鴨睡斜陽○竹當踈檻常流翠○花
落清溪不斷香○宴坐山中屏塵慮○今宵如宿朝
川庄

春日居法雲蘭若

移來書舍傍琳宮○隔斷紅塵路不通○游屐半閒

新雨後法幢高挂亂雲中
夜深松偃踈簾月春
盡花飛晚磬風謾謂空門人跡少
相尋日日有支公

登臨正及看花期
青草葳蕤步履宜
雨翳鯨音過院冷
風傳鶯語出林遲
閒尋緇錫談三昧
偶伴黃冠禮六時
自是山中堪避俗
更無踪跡世人知

古路蒼蒼入鷲峰
烟霞隔斷往來蹤
時將真訣登前課
每與遊僧竹下逢
滿架瑤函藏貝葉
遠林山色絢芙蓉
閉門宴坐塵緣息
又聽雲堂起暮鐘

浦徑蒼苔過客稀
踈鐘纔動暝烟飛
輕敲竹院殘僧返
亂落松花一鶴歸
夜靜石燈分佛火
春寒山罽借禪衣
上方萬籟聞俱寂
但有經聲出翠微

送王少文葦塋西郊

蕭蕭孤櫬出郊關
執紼空餘涕淚潸
浦印松楸西郭路
半天風雨北邙山
函中白骨孤雲裏
世

上紅塵一夢間除却千年華表鶴更於何處望
君還

秋夜汝高振狂伯孺過宿山齋時汝高將

赴關

西風搖落正秋天相對空山意惘然竹裏孤燈
消永夜鏡中華髮感流年寒蛩古砌啼涼月小
大踈林吹暝烟只恐心期隔霄漢豈能長向白
雲眠

擬積雨輞川六

經旬梅雨自沉沉
木蕭森起夕陰
泉過斷橋歸別澗
鐘傳古寺出空林
閉門習靜山中樂
宴坐焚香物外心
終日更無車馬客
時從花塢聽鳴禽

擬長沙過賈誼宅

憐君謫宦楚江來
門外湘波日夜迴
廢井年深生亂草
古墻春盡長荒苔
猿聲似訴孤臣恨
馬首空勞過客哀
此地無須嘆寥落
長安甲第亦成灰

他鄉遷客恨悠悠○此日長沙宅尚留○寂寞莫空梁○
栖鳥雀蕭條古院閑○松楸幾年官况同○雲霧一
去君恩共水流○欲採江蘺傷往事○半天風雨洒
庭秋○

無題

數聲殘漏滿簾霜○青鳥銜箋事渺茫○剖贈半規
蒼玉玦○分將百合紫羅囊○空傳垂手尊前舞○新
結愁眉鏡裏粧○一枕游仙終是夢○桃花春色誤
劉郎○

無緣翻悔意相關○雲雨巫山陽一夢○間獨撫朱弦
琴○嗷咽背流紅淚燭○潺湲淚新分○半玦終難合○舊
贈明珠未忍還○縱使章臺零落後○長條猶自望
君攀○

錦衾羅帳淚潛然○淡月微霜夜可憐○嚙臂尚思
當日約同心○空結片時緣○瓶沉古井○身碎珠
孕靈淵○幾箇圓一別天○台成隔世○桃花流水自
年年○

一寸湘筠淚滿枝○百年幽恨是幽期○朱絃忽斷

鸞難續錦字私傳鳥不知新唾花痕沾廣袖舊
分香氣散重帷此生欲了尋春約須及清陰未
綠時

劍化雌雄王匣空寒潮東逝信誰通金生蓮步
雙纏白釧約水肌一線紅事去懽娛并作怨緣
乖覓夢也難同芳菲零亂春光晚滿地臙脂半
夜風

蘭心迷蝶柳藏鴉綺閣銀燈照九華百尺藍橋
通步障幾重巫峽隔窓紗覓銷翠帶胸前草腸
斷青銅影裏花落盡深紅春色晚肯容劉阮更

思家

鏡中雙鬢縮如鴉廣袖新看染石華曉起靚妝
消翠靨書眠香汗浸紅紗半清膩水堪流葉一
尺雕欄不障花總爲多情眉黛感恠他人說是

西家

愁見流蘇百結同繡幃寒夜一邊空幾痕斑淚
孤生竹十指朱絲半死桐在野鴛鴦虛枕被出
山鸚鵡怨焚籠臂紗不鮮纏綿意長護媽紅舊

守宮

歸期無定數難占鳳臙燒殘夜未厭幾點金徽
桃後譜半邊銅鏡嫁時圓紅銷櫪帶絲空結朱
褪樓唇酒不沾夢醒碧紗窓外月梅花踈影滿
雕簷

玉頰珠沉思悄然明中流淚暗相憐常圖缺蝶
花樓下記刺鴛鴦繡幙前祇有夢竟能結雨曾
無心膽似非煙朱顏皓齒歸黃土脉脉空尋丹
世緣

烈女吟

湘水難同此恨深幽閨長詠栢舟吟半生夜雨
常悲鶴六禮春風未委禽瑟斷朱絃因廢軫燭
銷紅淚見灰心寢門一訣千年怨竟夢無由識
藁砧

秋日陳汝大鄧汝高陳振狂陳子卿陳幼
孺袁無競與公弟集綠玉齋時余與子
卿幼孺下第歸自長安汝高將使浙中
與公將游白下

竹林文酒暫盤桓○聚散無期後會難○燈下幾人
分○去○佳○尊○前○雙○淚○帶○悲○歡○傷○心○此○別○竟○俱○斷○落○
鳧○初○歸○夢○未○安○他○日○東○行○占○太○史○客○星○遙○傍○使
星○看○

送林觀察備兵金衢

使節翩翩浙水過○東山那許久蹉跎○一門劍履
閩中少○百將察鞬越絕多○露布星馳官負弩○霜
臺月滿士橫戈○九重正爾資籌算○無暇尋仙訪
爛柯○

贈車子仁郡侯

含來鷄舌尚氤氳○新握麟符到海濱○案了簿書
心似水○門投詞賦客如雲○市中騎竹迎童子○池
上抽鞭醉使君○敝刺即今羞自獻○敢言名姓舊
相聞○

寄譚忠卿比部

清時才子賦懷沙○抗疏歸來髮未華○粉署一官
淹組綬○青衫雙淚怨琵琶○村投慈母綠憂國環
賜明君定起家○却愛樵門當庾嶺○相思不用寄

梅花

送陳永奉游金陵

千里行裝半醜醜○
渡江君去莫教醒○
馬經小小○
佳人暮舟過○
勞勞送客亭○
楊子風高潮自白○
隋堤秋盡柳無青○
後庭遺曲桓伊笛○
都向秦淮月下聽○

壽大司馬吳公

斑綴鸕鷀爵上公○
鼎烹龍虎貌還童○
鐵冠曾執三湘憲○
銅柱猶存五嶺功○
曳處屨聲爲赤鳥○
懸

來○
張○
影○
是○
彫○
弄○
渭○
濱○
未○
許○
長○
垂○
釣○
聞○
說○
君○
王○
正

夢熊

進賢冠換七星冠○
篋裏陰符不再看○
上帝久頒書上檢○
先皇曾賜露金盤○
白蒙頭上○
雁還黑赤在○
心中○
是冊借得方平壺○
十二更於今夕獻瑤壇

送薛君大秀才遊武林

司馬南游正少年○
可堪人去鴈來前○
孤舟白擁蘆藏月○
兩岸青殘柳散煙○
帆外客星灘七里○
湖

中佛日竺三天射潮不用錢王弩但有觀濤賦
幾篇

送鄧汝高戶曹督餉之浙

粉署含香又幾年轉輸今識鄧侯賢還家樹不
言温室行部山應訪冷泉王塵夜揮天竺月畫
船秋放太湖烟江南水旱憂非細願悉民艱疏
御前

送孫四之金陵

一時詞客嘆飄蓬無數離尊半日同買笑好

江東
金○子○母○防○身○須○仗○劍○雌○雄○鹿○麋○夜○走○三○吳○苑○狐
兔○秋○悲○六○代○宮○建○業○城○邊○堪○飲○水○孫○郎○名○自○起

古田極樂寺晚起

聽○盡○蓮○華○刻○漏○長○山○深○嵐○翠○滿○繩○床○鳥○啼○松○嶂
聲○聲○印○僧○踏○楓○林○步○步○霜○座○上○落○花○天○外○雨○佛
前○沈○水○定○中○香○此○生○總○是○空○門○客○到○處○飯○依○有
法王

過鄭蕉林山人市隱堂

一丘高卧久忘機
雙屐行歌徧翠微
綸挂夕陽春釣罷
空携殘雪晚蕉歸
松窓月冷烟霞慶
菊徑雲生薜荔衣
不用鑿坏深避世
山城車馬往來稀

懷亭集卷之八終

馬

壽

